

崑新兩縣續補合志卷十七

列女

完節五

新陽已旌

錢氏李清標妻正墀女年二十二嫁咸豐庚申清標死粵寇氏聞耗卽欲以身殉舅姑交慰之乃強起姑尋病卒舅年亦六十矣老境頽唐首邱尙虛氏因勸舅納筵得舉二子以延宗祊及卒氏偕庶姑措置喪事盡禮盡哀撫兩叔清麟清鴻成立以佐庶姑所不逮守節三十三

年卒年五十六學院王給節義雙輝額表之光緒甲申

年題旌 朱紹成傳

趙氏父秋涯母葛氏咸豐庚申相繼死於難氏倉卒藁葬

崑新兩縣續補合志

卷十七

列女完節五

一

攜弟避居鄉邨備嘗艱苦及平始歸故里俾弟成人年二十六嫁嚴雲峯甫期雲峯亡撫前妻子成立五十一

年冰霜一日光緒十五年旌卒年七十八

朱文標稿

李氏鏡海女母陸幼嫻姆訓事親以孝年十九嫁方元杰未一載元杰病亡閱九十五日生子琦庚申粵亂琦甫四歲倉皇出走從姑曹氏避居婁北水鄉無何賊大至氏攜琦隱匿蘆葦灘水不沒者尺許五晝夜不得食姑曹氏竟離散氏嘿禱曰能否姑婦再見空中若有人呼曰盍出賊已遠頃姑乘他姓船回卒復聚及平氏奉姑移居楊莊時大難甫平斗米千錢氏以針黹佐家姑歿盡禮盡哀守節五十一年卒光緒壬辰督撫題奏奉

旨建坊

錢邦彦稿

盛氏巴城趙正元妻二十四寡卒年七十五

朱熙稿保

邵氏巴城龔大江妻年二十五寡卒年六十五

朱熙稿保

周氏壩石橋朱福綬妻少寡事姑盡孝姑病篤氏割股代

藥姑病竟愈光緒十六年旌

朱熙稿保

朱氏陸佑齋妻

朱熙稿保

趙氏顯章女星溪龔文耀妻年二十六寡撫孤成立咸豐

十一年卒年四十五

楊氏大官女周墅包士傑妻年二十八寡苦志守節撫孤

成立光緒七年卒年五十一

趙氏大崙女星溪張少林妻年三十寡撫嗣子成立光緒

崑新兩縣續補合志

卷十七

列女完節五

二

十二年卒年五十四

方氏莘耕女太學生徐承綬妻年二十三寡撫孤成立光

緒十七年卒年五十一

龔氏星溪沈昆玉妻年二十三嫁二十九寡光緒二十一

年卒年七十四

姜氏西橋女星溪趙禮曾妻年二十八寡撫孤成立光緒

二十六年卒年七十三

張氏俊卿女新庠生王蒙育妻年二十八寡撫嗣子成立

光緒二十七年卒年四十七

錢氏雅涇庠生達女年二十三嫁元和沈錦裳為妻咸豐

庚申舅與夫皆殉粵難氏時年二十九嗣繼姑錢亦哀

慟卒氏挈小姑依父母以居節縮數年營葬舅姑及夫並遣嫁小姑撫姪爲夫後尋亦卒鬱鬱以終年七十五周氏醴泉女金瑞芳妻年二十六寡撫嗣子成立光緒三十一年卒年五十八

錢氏埶生疇女庠生徐石麟繼妻年二十六夫故事翁及庶姑能盡婦道卒年九十二

顧氏慰卿女庠生張廷枚妻年十九寡茹苦撫孤守節四十年卒年二十二

范氏仁和庠芸女嫁新庠生王慶紳慶紳被粵匪辱毆氣忿嘔血死氏守志撫孤垂五十年卒以上光緒三十三年旌

陶氏芹香女強巷蔣忠瑾妻年二十一寡撫遺腹孤成立

崑新兩縣續補合志

卷十七

列女完節五

三

性勤儉嫻女訓事舅姑盡職人無間言光緒二年卒年

六十三

前志曾列未旌

吳氏振文女方以熊妻年二十五夫故苦志撫孤光緒二十八年卒年三十一

鄭氏耀章女國學生張從典妻年二十二寡撫嗣子成立光緒二十八年卒年六十

以上宣統二年旌

列女

完節六

新陽未旌

李氏東瀾漕戴竹堂妻年三十寡遺子二女一家貧甚氏茹辛含苦撫孤成立卒年八十四光緒十四年學院黃

以淑行貞風額表之

莊錫菡稿

褚氏綽墩粟香女嫁張鳳山子鄉槎年二十四鄉槎亡守

節五十二年卒年七十六學院黃給匾表之星溪志稿

黃氏王繼宗妻年二十一嫁二十九寡事姑孝謹撫兩孤

皆成立守節三十三年卒年六十二學院溥給匾表之

星溪志稿

張氏蔣泰貞妻夫亡撫育子女艱苦備嘗年七十餘卒學

院李給匾表之蔣氏譜

唐氏邵禮和妻咸豐庚申禮和死於難氏年二十六苦志

守節撫姪成立光緒十五年學憲楊以清節芳徽額表

之卒年六十五余鴻鈞稿

沈氏陳墓儒童孫進龍妻二十九歲寡撫子柏森成立光

崑新兩縣續補合志 卷十七 列女完節六 四

緒十三年旌卒年六十二王俊芳稿

曹氏陳秉智妻夫早亡無子孝奉翁姑茹苦含辛撫嗣子

成立光緒六年學政夏以金石盟心額表之卒年六十

三錢實珩稿

高氏江安邨國學生張應清字潔堂妻粵匪亂挈子女避

難浦東流離歲餘夫與子相繼病亡氏年才二十七撫

一幼女辛苦萬狀及難平至家惟姑陸氏在年亦老奉

養甚孝布衣蔬食勤儉自持與娣蔣氏同居皆守節以

終年八十六卒張如璋稿

余氏陽湖人新陽翰林院侍讀學士李德儀繼室性伉爽

幼嫻詩書父母為擇配嚴年三十乃嫁於李次年從夫

四川學政任所治家有法未幾德儀以積勞歿於任氏攜幼子傳治自棧道扶輿至都門備歷艱險既至都遂家焉撫孤成立門內肅然年七十四乃卒

何氏靈石人新陽李德儼妻年未四十喪所天無子女茹苦含辛垂三十年以夫兄子傳治兼祧年六十五卒

夏氏監生李傳衍妻雲南布政使德莪之次媳年二十三歸傳衍能得翁姑歡心姑嘗言對新婦使人盛氣自平閱三載傳衍以疫猝歿氏欲以身殉因翁姑命撫夫兄傳元次子誥爲傳衍後俾躬自教養乃黽勉從命不得死及翁姑先後沒姒又繼卒氏並育其所遺子女愛如已出使傳元無內顧憂庚子六月都門之變海道阻絕

崑新兩縣續補合志

卷十七

列女完節六

五

氏率子女乘羸車從間道歸車無軌宿無次艱苦萬狀卒完子女以抵於家傳元命二女以母事焉凡主內政者二十餘年家人翕服內外肅然丁巳冬以疾不起年五十有五計守節已三十年例得旌會國變不果夏氏本江陰世家母桐城姚氏惜抱裔孫也氏工丹青得於母教都門閨秀多從學焉

杜氏龔贊梅妻夫亡苦節撫孤卒年八十四

朱祖華稿

俞氏周墅陳樹芳妻年二十寡撫嗣子丕基成立苦節六十年積有餘資置祭田數十畝以奉春秋祀事年八

十二卒

錢宗源稿

朱氏落霞浜儒童龔南棠妻夫亡撫孤成立一堂四代年

八十卒

星溪志稿

陳氏正義鎮養泉女嫁士人沈雨亭值粵匪之亂家徒四壁期年夫死未幾翁姑又相繼卒以夫弟子爲嗣已而又殤孑然一身恆至衣食不給茹苦含辛歷五十餘年

卒年七十三

朱祖華稿

蔣氏江安邨儒童張松園妻新增廣生泰咸女嫁甫周歲遭粵亂挈家避難夫於中途病沒氏年才十九茕茕一身矢志守節奉姑尤孝嫂高氏以夫與子皆沒於難中後顧無依泣謂氏曰予兩未亡人孀居一室俱無所出將奈何氏曰幸有薄田二三頃苦守門戶奚患無後因撫姪寶騶爲嗣從師讀書愛如已出及長而授室猶親

崑新兩縣續補合志

卷十七

列女完節六

六

自經營衣食不辭勞苦以是頗有餘貲凡鄰近貧苦之家時從借貸終無吝色橋梁善舉等率先樂助光緒三十四年卒年六十六

張如璋稿

王氏葉向榮妻星泉女年二十二寡孝事翁姑養生送死

悉中典禮年六十餘卒

趙詒紳稿

王氏長仁女生而閑靜不羨華飾年二十嫁唐靜安靜安因久困小試鬱而病瘵氏竭誠侍奉越三載夫亡一慟幾絕繼念姑老子幼乃強起仰事俯育備竭勤劬中經庚申之亂流離轉徙賴縫紉以自給勤女紅恆至午夜生平未嘗佞佛撫孤貞廉成立名登鬢序光緒辛卯卒

年五十七

原志列現存候旌年二十嫁誤二十四朱紹成傳

陸氏年十七嫁胡瀚清甫二年瀚清染瘵疾弗愈氏躬侍

湯藥衣不解帶者數月及沒一慟幾絕舅姑勸諭至再

始泣從命撫嗣子成立卒年五十

王直  
湘稿

李氏庠生張安妻年三十寡所生僅一女撫姪元頤元恆

以續夫祀事上逮下動中禮節茹荼守志數十年如一

日卒年七十三

蔣瑩  
稿

葛氏姜小圻妻年二十九小圻死于粵匪之亂氏苦志守

節茹素終身年七十二卒

顧嶼  
郭稿

張氏嚴村邵瑞豐妻年二十三夫故守節撫孤裕蓀成立

五十三歲卒

王直  
湘稿

周氏飛鵬女張傳熙妻年二十四寡事姑教子憂勞致疾

崑新兩縣續補合志

卷十七

列女完節六

七

卒年四十

周文藻  
稿

朱氏六品軍功長洲武生陶偉勲妻年二十九夫故守節

二十三年卒

湯氏唐墨卿妻年二十四寡守節二十二年卒年四十五

陳誥  
稿

列女

完節七 新陽現存已旌

盛氏岳山女歐春明妻年三十寡撫嗣子成立守節已四

十七年現存七十六

陸氏竹坪女周益亭妻年二十五寡無子紡績度日守節

已四十八年現存七十二

張氏靜山女劉國良妻年二十七夫故撫孤成立守節已四十五年現存七十一

張氏琴溪女儒童許錦波妻年三十寡撫子成立守節已三十八年現存六十七

戈氏品三女張禮範妻年二十一寡撫孤成立守節已四十七年現存六十七

殷氏允敏女王孺初妻年三十夫故撫嗣子成立守節已三十八年現存六十七

曹氏菊瑞女徐有孚妻年二十八夫故撫嗣子成立守節已三十九年現存六十六

陸氏廷揚女唐敬岩妻年二十九寡守節已三十三年現存六十一

崑新兩縣續補合志

卷十七

列女完節七

八

存六十一

黃氏漢女王進安妻年二十七嫁不數月夫亡矢志不貳撫嗣子成立守節已五十年現存七十六

朱氏惠堂女張福堂妻年二十八寡撫孤成立守節已四十年現存六十七

浦氏大觀女姜壽田妻年三十寡無子苦志守節已三十六年現存六十五

朱氏大椿女文童顧書杏妻年二十七寡撫孤成立守節已三十三年現存五十九

陸氏梅觀女陶雪香妻年二十八寡撫孤成立守節已三十一年現存五十八



祁氏才寶女金柳安妻年三十夫故撫孤成立守節已二十八年現存五十七

陳氏寶卿女李壩妻年二十寡撫嗣子成立守節已三十五年現存五十四

王氏紀堂女陳幼梅妻年二十寡矢志守節已三十四年現存五十三

符氏春岩女庠生杜元鶴妻年三十寡撫嗣子成立守節已二十四年現存五十三

顧氏錦波女唐祉凝妻年二十寡事姑孝無子苦志守節已三十三年現存五十二

郁氏職員瞻海女周源淼妻年二十寡孝事翁姑撫嗣子  
崑新兩縣續補合志 卷十七 列女完節七 九

成立守節已三十一年現存五十  
蔣氏竹雲女文童徐鳳石妻年二十寡撫孤成立守節已三十一年現存五十

杜氏顯明女陳和卿妻年二十二夫故撫孤成立守節已二十九年現存五十

王氏南星瀆殷良輔妻益山女年二十寡光緒三十三年題旌守節已五十四年現存七十三

沈氏巴城王葆存妻年二十寡撫孤守節現存年七十

熙稿

列女

完節八

新陽現存候旌

以上宣統二年旌本採訪局稿

王鼎稿

朱保

趙氏周墅監生吳大備妻年三十夫亡撫孤維鈞成立學

院李給匾表之現存年六十六

錢宗源稿

錢氏嘉定庠生鐵耕女張竹君妻粵匪亂作避難於滬竹

君遘病卒氏時年二十五熒熒子立矢志無他賴縫紉

以自給閉門守節雖戚族亦罕覩其面光緒朝學院唐

以荼苦筠清額表之已守節五十六年現存八十歲

吳廷

鏘稿

翁氏高瑞齋妻二十九寡現存年八十二

朱祖華稿

俞氏振基女附貢生徐殿蘭繼妻年二十九寡守節已三

十二年現存六十

徐國瑞稿

張氏丁港金瑞芳妻夫亡苦志守節現存年六十三

朱祖華稿

崑新兩縣續補合志 卷十七 列女完節八 十

趙氏真義張鳳魁妻年二十七寡撫養遺腹子成立性慈

善現存五十八歲

朱保熙稿

王氏蟠溪女李全章妻年二十五而寡現存年五十八

朱祖

華稿

呂氏廟墩新庠生陸藻丹妻年二十六寡守節已二十九

年現存五十四

王鼎稿

徐氏尚炳女劉福亭妻年二十五而寡現存年五十四

朱祖

華稿

朱氏耀卿女殷安之妻年二十五寡家貧依兄度日現存

年五十

朱祖華稿

徐氏顧興桂妻三十夫故撫子成立與姑湯氏並請獎學

使溥給兩葉清芬匾表之現年八十歲

顧國珍稿

顧氏附貢生張瑚妻年二十七寡舅老多病奉事十餘年如一日撫子瓚成名鄉校學院溥給匾表之現存七十

三錢宗源稿

高氏筱帆女適錢治謙子林爲妻年二十九夫亡撫孤成

立遊庠學使龍給心貞崑玉額現存年六十二

趙詒紳稿

張氏徐步瀛妻鳳儀女嫁甫逾月夫亡時年二十茹苦含

辛撫螟蛉子成立光緒三十一年學政唐以志潔冰壺

額表之現存五十五

張朝瑞稿

朱氏顧裕瑩妻嫁甫逾旬而裕瑩亡氏年僅二十一光緒十六年學政楊以志勵冰霜額表之守節已四十二年

崑新兩縣續補合志

卷十七

列女完節八

十一

現存六十二

俞述曾稿

陳氏歇馬橋南湘女爲孝廉吳鍾麟之次媳年二十三歸

縣學生侍堯甫及三日夫卽病歿不數年夫兄侍黃夫

弟侍高相繼卒舅姑在堂年邁力衰一切家政氏悉任

之生則奉養盡孝歿則喪葬盡禮螟蛉一子仲廉習醫

成名并撫育二夫姪成立現年五十七歲

童氏錫桂女年二十七適崑增生俞承麟爲繼妻二十九

夫故生子女各一與前妻所生三子一女均教養成立

爲完婚嫁守節二十五年現存年五十四

陸氏新庠生張浦許榮妻年二十七夫亡子女無所出守

節至今三十六年現存六十二歲

石氏雞鳴塘庠生胡學禮妻學禮早亡遺孤成梁成楨俱

幼氏苦志撫育奉姑以孝及晚年兩孤先後去世孫女

婚嫁均氏主持年七十五卒

胡國樑稿

顧氏安亭孫文明妻年二十六寡家貧甚孤方襁褓矢志

不貳事姑盡孝撫孤成立年六十七卒

錢寶珩稿

馮氏虬澤庠生彭鳳池妻年二十二夫故苦志撫孤孝事

翁姑守節十六年卒年三十七

彭鳳儀稿

陳氏李家濱妻年二十六寡撫子殿楨成立卒年五十五

列女

貞孝

丁貞女甫笄父福堂歿奉母事兄終身不嫁女紅營生以

崑新兩縣續補合志

卷十七

列女完節八

十二

助不給並教養諸姪婢各有所積年四十七卒以次姪

嗣焉

張朝瑞稿

俞貞女幼敏慧讀書略通大義父祖銓命記家中日用簿

按月出入無毫釐差及笄兄曾鑣亡遺孤女俱幼遂撤

其環瑱矢志不嫁與嫂張氏和睦維持孝事父母以終

年四十

張朝瑞稿

周貞女桂小江女幼有至性甫笄母患瘋顛疾代操家政

尋父歿母亦病故兩弟一妹尚未婚嫁桂拮据喪葬悉

中典禮遂終身不字食貧茹苦稍有所積為弟妹婚嫁

尋弟婦亡撫姪成立年七十六卒

王慶祉稿

陳氏茂官女年十歲許字張第未嫁年二十第亡氏聞訃

卽飲泣不食家人勸慰之乃赴夫家服孝守貞爲夫立後教養成立光緒三十三年旌是年卒計守貞六十六年

顧氏北鄉李瑞琛聘妻瑞琛天氏年十三聞耗自裁父母救之得不死越五年有勸氏改字者涕泣誓死聞於瑞琛之父天祥乃備禮迎之歸恪循婦道屏絕鉛華爲夫立嗣光緒三十四年提學使毛以貞孝感神額表其門宣統二年旌卒年四十六

陳葆元稿

徐貞女庠生徵楷女毛棣香聘室未婚而棣香亡女聞赴誓不再字遂抱主成婚螟蛉一子本仁教養成立卒年

五十四

余鴻鈞稿

崑新兩縣續補合志

卷十七

列女貞孝

十三

方蓮英新陽附生兆沅女生有至性父歿年僅八齡哀毀逾恆矢志不嫁奉母終身長齋繡佛年四十五卒病篤猶以親恩未報爲恨呼母而歿光緒十三年學院王顏其廬曰至性芳型會同督撫兩院奏請旌表貞孝 恩

准建坊

朱灝稿

王大姐神童涇人父炳文母沈氏弟一妹二母多病而弟幼弱大姐代母任操作既父母相繼歿二妹亦先後嫁弟已先父母亡弟媳柴亦身弱多病孤姪尙在襁褓中乃長齋奉佛立志不嫁與弟媳同德同心撫姪成立婚喪祭葬悉如典禮戚族稱焉卒年六十六

郁文復稿

孝女周錦心新陽監生鴻根長女端重資敏讀書通大義

父病侍奉湯藥衣不解帶累旬日無倦容病篤焚香籲  
天求代割臂肉和藥以進遂愈年十九卒邑侯李福沂  
給孝著蘭閨額表之

星溪志稿

鄭孝女吳家橋鳳韶女也母朱氏十歲失怙家貧與母相  
依爲命性敏慧工鍼黹有鍼神之稱習女紅者咸北而  
受業焉事母孝遇有議姻者至輒背母飲泣以不能盡  
孝爲憂母嘉其志亦諒之由是求婚者始絕跡後母卒  
女年已四十三哀毀逾恆喪葬如儀又十年而歿

余樹蓉稿

朱孝女麵店主阿懷之女粗識字能掌櫃記姓名固髻而  
冠者也姿不亞中人而凝重有度年逾笄已受聘嫁有  
日矣光緒丙戌十一月十三日過午其家不戒於火女

崑新兩縣續補合志

卷十七

列女貞孝

十四

適登樓大母老病卧牀褥亦在樓上女急掖之起大母  
曰汝嫁時衣飾都在此急取之毋急我女曰人爲重物  
不足計也時梯已焚斷急以綿衾裹大母自窗縋下已  
卽一躍隨之回視已烈燄冲霄矣傷肱不知痛

王德森書朱孝

女事

周氏樹本女孝事父母年十八母唐氏卒父又病痰症發  
輒劇女侍奉湯藥不離左右父歿哀毀逾恆節衣縮食  
勤儉治家矢志守貞終身不嫁現存年六十八宣統二  
年旌

張鴻娥張鳳娥蓬閭鎮西張河涇人二女爲從堂姊妹立  
志守貞如出一轍鴻娥依兄活不願嫁兄成其志年五

十一歲卒鳳娥性篤孝父母沒年甫及笄呼天搶地痛不欲生願終身守先人墳墓誓不嫁耕種紡績助兄維持家務兄子三鳳娥教養撫育之及三姪婚娶後復爲分析遺產至公無私現存年五十三里人以雙貞稱之

吳季鳴稿

陸貞女巴城鑑霞之女守貞不嫁事父盡力現年五十七

歲朱保熙稿

陶文婉懷之四女幼時讀孝經女訓等書卽明大義性和平尚節儉善於排難解紛家中無詬誶聲有求婚者輒以奉養父母何忍離左右爲辭以是常得歡心後父母相繼卒矢志不嫁佐理家政年五十兄文潞卒摒擋家

崑新兩縣續補合志

卷十七

列女貞孝

十五

計心力俱瘁事嫂極和順督諸姪不怠常謂行吾心之

所安而已現存年五十三

李翰才稿

朱貞女巴城安甫之女守貞不嫁撫幼弟事父母維謹卒

年三十六歲朱保熙稿

孝女汪閨萼浙江候選道肇敏女至性過人儼如成立值父病隨同生母張氏侍奉湯藥衣不解帶目不交睫夜夜禱天願以身代究以年幼體弱積憂成病父於光緒二十九年正月十九日故女晝夜哭泣誓不欲生家人百方勸解防範維嚴而哀毀傷身病日沈重延至二月初四日卒年十二歲宣統元年由蘇紳鄒福保請旌

列女

才媛

葛梅字萼仙明太常錫璠裔子敬女幼失怙恃依舅氏徐寶符家性敏慧嘗讀毛詩至昔我往矣四句恍然謂舅曰千古言情盡在是矣寶符大奇之笄歸同邑何顧絢絢有文學名唱隨甚相得叔子灝父母俱亡撫育如已子灝質純督責不貸卒登鬢序鄉鄰稱焉年九十二卒

著有團焦室詩稿子二珍璋皆諸生

馬光楣稿

列女補遺

義烈

明

陸淑清甫里陽城湖濱人聰慧識字年二十二許嫁村人

崑新兩縣續補合志

卷十七

列女貞孝才媛

十六

楊紹家貧不能娶會紹往役京師鄰有惡少豔陸姿謀於黨羽分撼其翁父脅以必從強委禽焉淑清聞之號哭達曙旋聞惡少舁綵輿鼓樂前導至門淑清闔戶裂裘大書烈女不更二夫六字卽以所書幅自經死

徐達源甫

里人  
物傳

周氏贈給事朱斗垣室斗垣字月生爲文靖公次子斗垣隨父文靖公跋履瘴癘氏亦從在廣南寄兄弟有詩云南來萬里苦閒關欲寄音書道路艱夢繞萱闈思菽水心驚烽火痛厓山繡牀事往拋針線妝鏡塵昏縮髻鬟莫上玉峯峯頂望未知此地可生還後斗垣官行人罵賊張勝遇害於昆明之德勝橋氏亦自經死

徐達源甫  
里人物傳



夏氏江西布政司萬亨女馬祈駿妻年二十八祈駿卒撫孤師旦成立教之以忠孝大義乙酉六月崑民殺閻茂才迎狼山總兵王佐才爲帥起兵拒命師旦與從兄錫嘏雲從登陴守禦城破不屈俱死氏曰可以下報夫君矣遂殉馬氏

馬氏

周氏鄭詞正繼妻詞正隨父殉乙酉難氏抱三歲女投井

死鄭氏

鄭氏

林氏甫里陳大清妻大清中嘉靖癸卯科舉人仕福建龍巖令氏生一子名汝巒大清去官歸邁疾卒氏許以身殉一日俟婢抱子出赴井死甫里

甫里

國朝

崑新兩縣續補合志

卷十七

列女補遺義烈

十七

張氏顧某室家赤貧某覓食遠出所親無良屢以言挑氏百計避之復以利誘其姑反加凌逼氏知不免乘間自縊死年甫十有七康熙三十五年事許志

許志

王氏千墩新庠生余均妻粵匪亂夫先逃避長子被擄次子病亦弗愈烽火稽天眇有寧宇氏志在必死乘間投水缸殉年六十二事平學政彭以烈義可風額表之余

余

蓉

許氏千墩監生方厚堂妻粵匪亂隨夫避難甫里途遇賊虜至氏恐遭不測投環自殉時年僅二十九學院彭以

烈行可風額表之

余樹

張氏鍾英山室嫁逾年夫亡無子絕粒七日不死遂自縊

崑山令程大復表其門許志稿

李桂姑殷甫女粵寇之亂年甫十二三歲聞崑城破自矢曰若兵至我必罵之以激其怒而速其殺可也寧死不辱兵至罵之以其幼不問逕驅之行復大罵之目皆盡裂兵怒始斫之其父殮其屍座焉見殉難錄葇溪志

徐氏馬繩妻繩被噬誤繫獄氏誓必俟夫歸而後食絕粒

死馬氏譜

潘淑卿國均女少聰慧不苟言笑年十七適吳大椿成婚一載大椿亡無依歸父家戚族憐其無子女將有他議淑卿微聞之即乘間赴水死年僅二十人咸稱其節烈

許志稿

崑新兩縣續補合志

卷十七

列女補遺義烈

十八

戴氏太學生葉涇陳墉妻墉就醫郡城疽發於項死喪歸氏日夜哭泣未幾遂殉夫自經死道光癸卯題旌建坊於馬鞍山左西向宇區六畝天玉字圩刑侍李清鳳有

傳紀之

錢葉珪稿

俞烈女王壽畬未婚妻壽畬病烈女聞之即含淚不食既而壽畬死烈女欲歸王氏守節跪請父母不允遂自縊

道光二十三年八月事也傳鈺有詩紀之翠巖詩集

宋氏甫里文錦女許字同里范秉鈞咸豐庚申秉鈞被擄寇平不返父母欲再字之氏遂自經死事在同治三年三月十八日年三十范乃迎柩設秉鈞衣冠合葬焉同治四年江蘇學政宜振給志貞行烈額表之並與督撫

彙 旌表貞烈給予建坊 宋資善稿

徐氏夏以謙妻咸豐十年粵匪南下氏抱子女二人與以謙逃匿花園村水月菴賊大至氏自知不免以一子授以謙屬速遁自抱一女投水死同治四年旌表節烈准

建總坊入祠 夏世楷稿

徐烈婦儒童王景誥妻粵亂遇賊罵不屈偕夫投西蘭漕

口馬沙塘河死咸豐庚申五月十四日事也張鈺有詩

見後視今山館詩稿 原志但載姓名誥誤銑瑯琊譜略

徐氏收區二十畝歸某妻咸豐庚申五月遇賊攜子女兩人投河死時年四十三

葛烈女王鍾錦聘妻咸豐庚申隨母避難遇賊同母投畀

崑新兩縣續補合志 卷十七 列女補遺義烈 十九

魚堰水死年十六 琅邪譜略

孫烈婦王慶綏繼妻粵亂遇賊於北鄉天龍潭投水死年

五十 瑯琊譜略

賈大姑二姑住收區二十畝世以績麻織布為業粵賊掠鎮被擄大姑有姿色賊視為奇貨閉之船頭擬獻賊酋博功賞二姑賊將自有之令坐艙中左右圍繞甚密未幾將抵賊巢一賊啟船頭竊視大姑已解纏足帶纏頸而死羣賊大駭同趨船頭救視二姑乘間從艙門躍出

投河亦死 星溪志稿

張烈女安亭鄉固巷子雲第三女同治元年六月與父母邨人同遇賊於石浦之西鄉被虜女給賊脫父母於難

及父母去遠女罵曰吾豈與狗彘共生活者前之所言  
給汝以脫吾父母耳今我謀已成請速殺吾賊大怒鬻  
割其肉以死黃一鳴稿

諸氏陳墓陸永妻同治壬戌粵逆竄里中氏攜子嘉棟急  
避河干賊追至棄子水濱投河死年三十一同治七年  
學政童給烈媿投崖額其廬前志但誌姓氏因復補之

陸氏譜前志  
作謝氏誤

### 列女補遺

#### 完節

明

懷氏華亭人諸生馬澈室事繼姑曲盡婦道舅以澈試不

崑新兩縣續補合志

卷十七

列女補遺義烈

一十

利而恚嚴於督責遷怒及婦并逐之僦屋另居澈抑鬱  
成疾氏晨夕溫言慰藉舅姑處問饋不替比夫死舅亦  
悟乃聽婦歸家守志親族咸稱其節孝許志稿

張氏高鵬繼室元配生子名位邑庠生早卒無嗣媳陸氏  
年未三十鵬憂高桃不祀乃繼娶張氏氏生子名僕五  
歲而鵬死張年二十八陸將四旬一孤二寡更相爲命  
張苦節至七十餘陸至八十姑婦生同守死同歸後僕  
子文蔚亦早卒妻吳氏撫遺孤鳳翥守節終身三世柏  
舟一門罕見甫里志

諸氏太史邦憲女嚴啟貞室啟貞早夭遺孤潤方在孩稚  
氏教育兼施至於成立許志稿

包氏三節一爲顧容妻包晟女一爲陳夢禎妻包叔明女  
一爲王仲賢妻包正叔女稱爲包氏三節

楊氏馬八駿妻華亭怡山女八駿庠生少有文譽弱冠暴  
亡撫孤玉堂成立鬻序有聲操勵冰霜五十年如一日

後人欲上其事謝卻之鄉鄰以爲難

馬氏譜

王氏文恪公孫女甫里馬學詩妻學詩年二十五北上謁

選以不及格罷歸與弄兒戲於鷓首竟墮黃河死氏矢

志守節撫孤子時升成立年踰八十卒

馬氏譜

唐氏妙蓮許麟妻夫早亡擗踊號慟幾以身殉親鄰以老  
幼無倚力勸得止乃屏華去飾孝事舅姑凡酒饌供具  
悉變易父遺珍飾衣服以奉之撫子奎成名遇族人尤

崑新兩縣續補合志

卷十七

列女補遺完節

一十一

極恩義夫遺弟有微疾者贍其飢寒勿勞其力臨終命  
子遵文公家禮以治喪云先世信浮屠自始祖伯宜南  
渡來崑歷七世皆乘凶火葬痛心到今戒之以弘治十  
七年卒年七十七葬馬鞍山麓有楊子器墓誌

朱氏父挺柏新安徽國公裔明萬歷間徙崑山氏適崑明  
經顧爾常子諸生升明倣儻有奇氣甲申流賊陷京城  
升明聞之焚生平著述中夜狂呼誦英雄泪滿之句嘔  
血死時氏年二十五欲同殉同產兄晉和以撫孤勗之  
乃強食守義乙酉城中風鶴奔徙一空氏猶守夫柩不  
忍去忽見梁間羣鼠號咷有銜雛而竄因墮地者氏乃  
驚曰物猶如此吾爲夫存孤安得延頸待也亟移夫櫬

厝園中挈兒依同產兄避兵澱山湖畔城果陷爾常以不屈死事平母子歸城夫櫬無恙而家產蕭落僅存蕪田數十畝以養姑課子不給則機杼佐之姑病日夕籲天求代復鬻田以具喪葬子需誠亦弱冠知名弗墜家聲氏卒年五十六卒後被旌

潘氏  
日記

張氏郎中魯傳女適陳墓陸世錡生一女年二十二世錡卒臨歿屬妻善事生母氏哭之慟強起撫其孤女自問安舅姑外足不越閭後伯姒生男舅即命為世錡嗣名祚興氏撫之游庠守節三十四年卒

許志  
稿

李氏庠生在中女馬天驊妻天驊早卒撫孤成立四十年

如一日

馬氏  
譜

崑新兩縣續補合志

卷十七

列女補遺完節

一一二

陸氏庠生馬永亨妻夫早亡遺一女守節三十九年

馬氏  
譜

馮氏明季通之女年十八適同里張世榮子大業十載而寡子天祐才六歲女亦稚舅姑垂老無兄弟可依世亂歲稔殍殍相望氏抱兒哭夫柩前嚙指出血誓以身代夫終子職未幾舅姑即世家故無寸土氏以十指所積營葬地凍餓自甘年六十卒卒後二十餘年制軍阿宮

保題其廬曰寵賁泉扃

潘氏  
日記

國朝

胡氏明末殉難諸生季桂女少端莊有識年十七歸吳曦三十曦亡二女並幼遺腹得一男汝輅氏勤以持身儉以立業葬先世五喪擴田百畝奉烝嘗黽勉嫁二女為

子娶婦族黨之貧而無告者以時贍之會曦兄映歿無  
子氏以大宗不可斬命汝輅爲之嗣人服其知大義康  
熙間郡守陳鵬年旌其門曰巾幗鬚眉乾隆元年旌

稿

許志

朱氏王孚妻幼喪父叔康叔撫之鼎革時城陷叔死難氏  
甫十六慨同孀沈井殉戚見止不得死次年十七歸于  
王姑張氏罹兵火後病危甚見氏婉順大喜未浹旬棄  
世越七載夫又亡毀容滅性念親待養孤待撫不敢死  
家窘竭力奉翁翁復棄世哭泣倍甚喪葬盡禮人稱賢  
凡十七年內父母翁姑及所天連喪生致孝死致哀丈  
夫不克爲者一莞婺仔肩胥盡善時藐孤纔五齡飄搖

崑新兩縣續補合志

卷十七

列女補遺完節

一十三

風雨三遷機斷丁巳子喆生發解壬辰入中秘嚴諭忠  
以全孝子痛念劬勞乞終養恪遵慈訓爲善于鄉孝以  
成忠特奉 旨旌表賜金建坊旋遇覃恩受封已封者  
不再加獨氏一歲中兩被寵綸僉謂是貞孝格天時盛  
誠齋作分水雙綸頌魏環溪賦長歌歌曰天之日星人  
之義天之霜雪人之志閨中豈無女丈夫以身許人矢  
不二二十四歲稱未亡孤兒遶膝母心瘁一撫一摩一  
淚流以師以友以夜織此是王家世系存深懼孝廉家  
聲墜一朝上苑報泥金仰面再祝天不棄願兒殫力報  
朝廷吾生茹蘗心無媿老人眞信孝格天九重早錫貞

節字

格天集

孫氏冀源女許字鄭秉鐸未嫁夫亡聞訃奔喪矢志守節  
二十餘載乾隆辛未奉 旨旌表給帑建坊於咸區二  
十三番川字圩

毛氏鎮洋庠生胡寶年繼妻有墓在新洋江西墓門石坊  
尙巍然

周氏漁家女嫁潘某夫死仍業漁守志撫孤歷二十載兒  
竟成立里人錢鑄翁義山皆作詩美之 星溪志稿

朱氏古邨浜沈文學妻年二十餘寡苦志守節撫孤如興  
如璋梅和成立同治二年卒年六十五

邢氏甫里儒童戴蔭槐妻年二十七寡七十一卒同治四  
年旌 朱灝稿

崑新兩縣續補合志

卷十七

列女補遺完節

一二十四

陸氏馬恆基妻夫亡無子所生僅一女號躡幾絕誓必死  
姑嫂多方勸道始強可尋一女亦殤悲慟成疾卒年二  
十六伯氏恩藻爲之記 馬氏譜

許氏吏科給事中從龍孫女適鄭惟聰年十八而夭氏屏  
絕膏沐勵冰茹蘖一子方晬辛勤撫教底於成立守節  
五十五載貞風雅操終始如一年七十三卒 鄭氏世譜

陸氏崑山道升女歸諸生錢季舒年二十六季舒墮水死  
無子氏翦髮投棺撫嗣子成立處家儉約遺業日起守  
節二十餘年卒 許志稿

伍氏庠生許顧虹妻年二十二而嫠激切誓殉舅諭免乃  
屏膏沐教撫嗣子心康入鬢序載府志 甫里志



王氏年十九適曹宗鐸爲妻二十九而寡卒年八十二歲

雍正十年旌徐葆光有傳南里志

顧氏周宜生妻年二十五寡守節至六十二歲卒雍正十

一年旌南里志

陳氏甫里人文學三辰女年十七適嚴惟式以苦學死  
氏年十九遺孤甚小氏鞠育備至越三載廬舍遭火冒  
煙焰救夫柩幾死家遂破舅叔異處乃卜數椽於父家  
之旁盡脫簪珥懇其父爲治生計初罹燬後析產諸子  
授田數十畝氏念王舅姑窶窶未安悉辭以佐葬事舅  
姑年老力迎奉養絕不委任及歿辦喪葬悉中禮苦節  
五十二年卒氏當初寡時製崩城吟三十首哀思苦調

崑新兩縣續補合志

卷十七

列女補遺完節

一二十五

讀者酸鼻雍正十三年旌表南里志

胡氏崑山楊墅莊嚴可嘉妻十六歲嫁十七而寡遺孤僅

五月苦節撫成壽八十餘南里志

沈氏嫁姜義文崑山景村人夫卒時年二十六且無子孀

姑方氏亦守節年高家貧無依氏長齋紡績孝養孀姑

出自農家尤爲難得南里志

王氏適崑山人戈龍龍高才苦學以疾卒時氏年三十誓

死守節下撫三孤上事兩尊殊極荼苦以節終又張氏

戈維藩妻龍之媳也亦三十而寡遺孤二人俱幼氏矢

志撫之成立一門兩世苦節人罕知之南里志

朱氏陸七觀妻十九歲夫亡守節歷四十五年未旌南里志

呂氏邵冠六妻乾隆元年旌

菴溪志

陳氏李宗慈妻乾隆十一年旌

菴溪志

狄氏崑山陳秉文妻年二十夫亡撫孤成立儲紡績貲以葬舅姑及夫棺卒年五十一乾隆十年旌周元杰有詩

甫里志

顧氏吳器如妻年二十九寡守節合例乾隆十年旌

甫里志

王氏馬時傑妻二十九歲守節至八十二卒乾隆十二年

題旌建坊坊在甫里胡家浜內

馬氏譜

朱氏年十九歸張學洙甫二月學洙自縊氏獨居一室終歲不逾門限夫有二兄分析時憐氏苦節欲厚與之氏辭曰伯氏多務氏祇一身紡績可供朝夕盡卻之乾隆

崑新兩縣續補合志

卷十七

列女補遺完節

一十六

十三年督學崔公紀請朝建坊焉

菴溪志

顧氏太學生青林女錢九齡室年二十九夫亡氏勤刺繡自給至夜分體倦輒引鍼自刺其臂守節十九年卒里

人賢之

許志稿

施氏張師侃室早年夫亡氏晝夜紡績自給足不出戶惟鄰家一老嫗識其面親黨重其節每有饋遺氏悉卻之

許志稿

程氏黃堂妻堂卒程方姪生子不育以五歲姪為子性本溫和至是益巖峻會嗣子歿妾婢等利其去日夕搆於嗣舅前將逼之嫁程念不死必有橫被醜詆欲湔洗而未由者遂自經望溪方氏謂婦人居常而早寡者無死

道也堂有舅姑室有子或已之父母篤老而無兄弟則其死也雖當於義而傷於恩人或以此議程而不知程之時勢似居常而程之情形則居變也吳城有論白其

事

袁溪志

許氏雙節一許吾文妻程氏一許天序妻張氏夫俱以二十五歲亡二氏俱以二十四歲寡松柏之操萃于一門亦門戶之光也

袁溪志

徐氏馬景洛妻庠生廷珍女夫歿家貧孤幼矢志守節以女紅度日備極勤苦年七十卒

馬氏譜

李氏庠生馬令堯妻夫卒家貧無子遺一女教嗣子搢笏成學以揚夫名守節十一年卒

馬氏譜

崑新兩縣續補合志

卷十七

列女補遺完節

一二十七

顧氏崑庠廩膳生陳昌會繼室年二十八夫歿茹荼守志教子雲龍爲諸生汪圻有傳南滙令李兆鋹給柏蔭松

堦廡

甫里志

任氏千墩成夏女府學廩生曹球室年二十九夫亡遺孤二森峻企南氏事舅姑孝撫孤訓勉交至守節三十五年有司表其門曰清節維風乾隆四十五年旌

許志稿

黃氏夫某世居袁葭濱鎮歿於賈婦以紡績養其姑姑悍而婦孝同邑孫崙有鄰寡歎詩叙其事詩曰東鄰有寡婦蓬首而垢面良人歿他鄉道遠未含殮家貧常苦饑絡緯至夜半悍姑詈其旁雙淚落如霰晨起貿米歸殷勤勸姑飯謂得姑心歡又觸姑心厭掩淚回空房手持

三尺練妾命輕鴻毛妾死姑誰膳泉路何渺茫可望不可見盤石有轉移堅金聽百鍊寄語輶軒使採入烈女

傳

錢鳴球稿

馬氏諸生壽齡女事繼母孝年十九歸周文麓成婚五月文麓遊幕黔中氏勤女紅奉養舅姑歷四載舅歿竭力營葬并爲姑築生壙又二年文麓以病卒於黔時氏年二十四喪歸絕粒欲捐生有以養姑葬夫勸之者乃勉進飲食撫嗣事姑更十餘年姑歿喪葬如禮守節四十二年卒

二年卒

許志稿

孫氏崑山彭年女年二十歸張予燮爲繼室侍舅姑孝謹三年邁病夫亦患咯血氏一身兩顧憔悴殊甚姑亡夫

崑新兩縣續補合志

卷十七

列女補遺完節

一二十八

疾益篤彌留之際屬以堂姪坦爲嗣夫亡守節操作夫妹適朱者亦早寡迎歸相依治婚葬殫力年六十九卒同里孫檢討倪城有贈詩

潘氏日記

孫有憑妻張氏崑山大業女母馮氏以苦孀育氏年十七適同里孫有憑家無恆業且繼姑嚴急甚御之寡恩昕夕惴惴六年夫歿遺一子汝榮甫四歲翁姑繼亡益困不支子長傭菜賣履以給未幾亦卒氏終始伶俜年七十五卒後三十年蘇撫顧公奏旌

潘氏日記

王氏崑山人年十四爲休寧楊嘉樟筵室嘉樟商於松江初娶汪再娶金俱無出且早世三娶於吳得王佐中饋情洽分肅吳生子克誠及一女遽以疾沒逾數年樟病

危以客居子幼屬後事於氏時氏年止二十四屏粉黛  
守兒女子長爲援例入成均及年二十餘始同子扶杖  
夫婦柩回籍守節年例符里族欲上其事氏以出身賤  
不可以辱令典力辭之

潘氏  
日記

葛氏孝廉鼎女年十九歸同縣進士余國柱子庠生龐謳  
二十三歲而寡老翁在堂遺孤在襁氏強活以任事育  
年八十四卒學使胡以松筠勁節四字表之

潘氏  
日記

葉氏陸大承妻年二十二夫故撫三歲孤成人嘉慶五年  
卒年三十四道光五年江蘇學政辛給以馨烈彤書額

表之

陸嘉  
棟稿

李節婦道咸間有節婦小孀孀者但知其姓李不知其爲

崑新兩縣續補合志

卷十七

列女補遺完節

一十九

母姓與夫姓也住崑山西鄉之蔡巷村少寡諸無賴欲  
奪其節不可則夜撼其門強劫之婦踰垣走十八里至  
城避入王紳家爲傭主母嘉其節善視之異他婢媪且  
命子他日必爲請旌後遂終於王氏髮逆亂後重建節  
孝祠得與祀焉婦生兩女阿三妹者適蔡姓夫早死亦  
堅守不嫁聞其姊阿二妹改醮痛恨之詈爲無恥揮其  
所餉食物絕不與通鄉人謂蔡巷中夫死不嫁者惟此  
母女云

葉氏周觀成妻世居菴葭濱之陶仁村年二十一夫歿守  
志四十年無疾合掌而逝同邑張彬爲撰節婦碑以誌

其事

錢鳴  
球稿

任氏安亭鄉金聖良妻年二十五夫故奉姑撫子悉中禮

法卒年八十三鳳輝堂  
金氏譜

列女補遺

貞孝

明

何貞女小字關金許字陳蕙未婚蕙殤女年纔十六欲奔

喪送葬母聽之既念母在復返後舅歿往持喪葬畢返

如初母亡乃歸陳門嗣子雲鵬孝養以老萬歷十八年

旌許志  
稿

國朝

顧氏孝廉咸受女許字朱攸芋殉乙酉難咸受亦自絕脰

崑新兩縣續補合志

卷十七

列女補遺貞孝

三十

死氏依傅姆居郊邨聞變詫曰女子三從我俱失之焉

用生為將引決傅姆勉之曰獨不知春秋衛女之事乎

氏乃悟端居矢志誓不更字舅應鯤因遣素車迎之入

門禮尊嫜畢往酌酒夫之几筵方下拜哽咽氣結嗚嗚

不成聲伏苦次移晷不能起觀者無不泣下既而斂跡

小閣屏棄膏沐終身布素以沒朱氏  
家乘

蘇氏在巴城秋區十六畝杜潭浜顧茂昭聘妻茂昭年十

七病羸死蘇氏聞訃泣告父母誓往奔喪父母不可即

赴水投環得救免而顧亦敬其賢且以為家之榮也迺

迎歸事翁姑以孝撫嗣子銓以慈年五十二卒守貞三

十五年乾隆元年旌貞女十六年江蘇巡撫莊有恭獎

給額表其門

顧錫智稿

呂氏太學生虞吉女少許字馬士芳未婚士芳病亡氏聞赴矢志不貳簪珥屏絕叔伯喜慶概不預焉終三年制悲慟成疾而卒舅聖源作文祭之命世則爲後迎柩與士芳合葬焉仲氏羹旦爲之記

馬氏譜

徐氏吳志遠聘妻志遠夭女以死自誓年十七歸於吳抱

木主成婚上事舅姑下撫嗣子乾隆二十九年巡撫陳

公弘謀聞於朝旌其門曰貞節

藁溪志

葛貞女名安孝廉鬲孫銅陵學博繼曾女年十五許字徐編修忍齋子德符未婚守節金壇王罕皆有傳女卒時

年二十三

潘氏日記

崑新兩縣續補合志

卷十七

列女補遺貞孝

三十一

李孝女父維秀中年無子惟一女每向其妻有年老無依之歎女聞之笑曰兒獨不可依乎父母笑頷之未幾將議親事女矢志不字朝暮勤鍼黹以供薪水孝養父母終其身年六十七含笑而逝

許志稿

陸貞女彥章女幼字嚴咸女性莊慎父授以列女傳遇古之節烈事輒欣然慕事父母能曲意承歡年二十一將婚咸亡女聞訃立志奔喪父母請于翁姑迎歸成服氏撫棺號哭一慟幾絕奉翁姑惟謹撫嗣子福五慈而嚴翁姑歿氏以奩貲付夫兄營葬守貞三十年嘉慶二十

五年旌

許志稿

李貞女崑山李純禮女許嫁同邑張學詩嘉慶辛酉學詩

遽以病歿時貞女年十九猶未嫁聞訃哭泣請於親曰  
願歸張氏守屢請之而後許遂服斬衰適夫几筵前伏  
哭盡哀因留事舅姑有加禮時夫弟學林方幼迨壯爲  
之授室及生子瑚立以爲夫後教之讀書雖寒暑不輟  
道光辛丑大吏聞其事於朝旌其門時去夫之死已四  
十年矣邑中人皆欽其節純禮有妹許嫁婁東張氏張  
氏子殤亦往守不改適以貞女旌

潘氏  
日記

徐氏名鸞長洲建庭女年十二許字崑山葛鳳未婚而夫

亡時年十九力請守志卒

潘氏  
日記

列女補遺

才媛

崑新兩縣續補合志

卷十七

列女補遺貞孝

三十二

唐

蔣氏蘇州人贈補闕陸龜蒙室通文詞善飲酒姊妹勸節  
飲強飯氏應聲答詩云平生偏好酒勞汝勸加餐但得  
樽中滿時光度不難觀詩可見其風韻矣

陳湖陸  
氏宗譜

明

顧氏國子生李延賓室有春日詩云春雨過春城春庭春  
草生春閨動春思春樹滿春鶯何允朗謂可置玉臺新

詠中

甫里人  
物傳

國朝

包氏甫里人散官抱吾仲女年十七歸同里馬逢明逢明  
性高潔喜誦詠氏有淑德亦能詩

崑山  
詩存



葉榜字小鳳崑山豹文女國學生許心宸室少讀書工詞翰心宸隨父虬官永州榜亦從之所歷河山觸緒成詠

篇什甚富許志稿

陳靚安朱元載妻元載以文鳴陳端莊淑慎尤工詩翰時與元載唱和贈答合編為同心集舅繩素誌之有詩曰欣看琴瑟兩和諧趙管多才慰我懷今日玉臺增氣色

千秋伉儷孰為儕子鈞鈇鈞鈇別有傳朱氏譜

李赤虹字玉文涇縣典史徐楫繼室父博母宋氏名凌雲能詩所作詩有軒渠集赤虹幼端慧琴奕繪事無所不諳尤耽吟咏歿後楫為梓其遺稿為夢蕉詩鈔崑山詩存

耆壽

崑新兩縣續補合志

卷十七

列女補遺才媛

三十三

舊志不載耆壽自同治以來 朝廷溥錫類之典徧及老民官吏調查紀其名姓實足以補前志之闕夫人生盛世時無水火兵戈之厄身無天昏札瘥之憂擊壤以嬉負薪行樂誠昇平之人瑞矣今依光緒志之例列之如左

宣統三年止

錢 金珠區七區人

以上八十九歲

龔瑞明芥區七區人

以上八十六歲

趙傳玉南門外人

以上八十五歲

徐見堂 元區四十  
一區人

以上八十四歲

計鶴其 巴城柵  
頭人 陸同春 淡區二十  
七區人

以上八十三歲

楊金 闕區二  
區人

以上八十二歲

陳殿揚 昆區二十  
四區人 呂雲昌 出區二十  
八區人 馬士卿 玉區十  
八區人

以上八十一歲

倪萬欽 玉區十  
七區人

以上八十歲

崑新兩縣續補合志

卷十七

耆壽

三十四

宋安橋 出區二十  
八區人

周玉如 夜區十  
區人

以上七十九歲

曹雲生 曹家  
宅人

高潤甫 珍區十  
區人

沈學萬 出區二十  
七區人

陳秀文 昆區三  
十區人

謝炳全 菜區南  
五區人

楊廷芳 黃區五  
區人

張師曾 麗區三  
十區人

錢景庭 真義  
人

以上七十八歲

朱金奎 出區二十  
七區人

陸雨全 昆區二十  
九區人

湯友三 重區五  
區人

王景春 昆區二十  
四區人

張元濤 李區北  
九區人

朱元龍 夜區十  
區人

金還官 昆區三  
十區人

以上七十七歲

朱正法 昆區二十  
二區人

王景堂 昆區二十  
四區人

陸土官 昆區二十  
四區人

馬雲集 出區二十

李錦祥 出區二十

蔡晉三 昆區二十

以上七十六歲

賈桂欽 出區二十

金村法 昆區三十

薛鈞才 韓涇村人

以上七十五歲

陸書霖 井亭港人

蔡萬香 昆區二十

陸又文 昆區二十九

湯景裕 玉區七十

馮培 結區一

以上七十四歲

姜國儀 井亭港人

陸士法 出區二十

朱友法 玉區七十

邱生良 昆區九十

徐春林 結區一

黃元悌 菜區南

顧禮泉 天區三十

以上七十三歲

崑新兩縣續補合志

卷十七

耆壽

三十五

俞文嘉 玉區七十

以上七十二歲

林鶴塏 稱區一人

陸永山 昆區二十

徐仁齋 昆區二十

任二官 出區二十

宋國良 出區二十

馮錦榮 出區二十

葉紹邦 昆區二十

金天成 昆區二十

徐惠堂 昆區二十

楊裕仁 出區二十

唐振山 夜區十

薛義錕 重區三

胡永昌 芥區四

以上七十一歲

羅蘭春 井亭港人

陳榮春 井亭港人

施桂芳 井亭港人

胡永良 芥區四

以上七十歲

壽婦

吳狄氏

律區八 暹人宣統元年提學使樊給懿範遐齡匾額

以上一百歲

王孫氏

藏區十四 暹人

以上九十一歲

莊郁氏

芥區四 暹人

以上八十九歲

朱張氏

光區九 暹人

黃陳氏

昆區二十 暹人

鍾李氏

結區二 暹人

陸張氏

淡區二十 七 暹人

以上八十八歲

張杜氏

昆區二十 四 暹人

崑新兩縣續補合志

卷十七

耆壽

三十六

以上八十七歲

沈季氏

玉區十 七 暹人

金吳氏

出區二十 七 暹人

朱朱氏

結區五 暹人

彭陳氏

結區一 暹人

顧馮氏

結區一 暹人

王李氏

芥區七 暹人

以上八十六歲

楊薛氏

奈區一 暹人

黃陳氏

奈區十 三 暹人

徐雷氏

珍區十 暹人

蔣氏

結區一 暹人

以上八十五歲

唐李氏

出區二十 八 暹人

蔡陳氏

萊區南 四 暹人

徐沈氏

芥區七 暹人

以上八十四歲

馬趙氏

韓涇 人

沈陸氏

昆區二十 四 暹人

沈陸氏

昆區二十 四 暹人

以上八十三歲

金莊氏

市天覆人

顧計氏

四昆區二十人

朱陸氏

七玉區十人

顧沈氏

一麗區十人

以上八十二歲

錢張氏

一出區二十人

夏杭氏

二昆區二十人

朱皇氏

一昆區二十人

王丁氏

四藏區十人

以上八十一歲

沈陳氏

一結區一人

張馮氏

一結區一人

沈金氏

一結區一人

繆朱氏

人本城

以上八十歲

陳祁氏

一果區九人

周湯氏

四昆區二十人

陳朱氏

三昆區二十人

范仲氏

七玉區十人

朱吳氏

一出區二十人

熊郭氏

八出區二十人

崑新兩縣續補合志

卷十七

耆壽

三十七

謝汪氏

五菜區南人

甘包氏

一重區五人

以上七十九歲

湯陸氏

三奈區十人

金鄒氏

陸顧氏

市天覆人

曾王氏

一井亭人

陸朱氏

一井亭人

張金氏

一果區四人

狄馮氏

一結區五人

盛蔡氏

一麗區三人

朱倪氏

一芥區七人

薛邊氏

一重區三人

以上七十八歲

蔡陳氏

五菜區南人

曹李氏

一曹家宅人

陸金氏

一井亭人

胡姚氏

一珍區十人

陳蔡氏

四昆區二十人

趙葉氏

三菜區南人

施陳氏

一麗區十人

薛周氏

一重區三人

甘朱氏

一重區五人

徐錢氏

一重區五人

呂陸氏

一芥區四人

以上七十七歲

陸沈氏 韓涇人

陸楊氏 韓涇人

鄒錢氏 井亭人

徐趙氏 昆區四人二十

葛周氏 昆區三人二十

周戴氏 昆區九人二十

史沈氏 一出區二人二十

張王氏 十昆區三人三十

姚王氏 一出區二人二十

吳顏氏 七出區二人二十

吳毛氏 十昆區三人三十

陳邵氏 七玉區十人

呂陳氏 七玉區十人

陳鄭氏 七元區七人

張王氏 十麗區三人

何石氏 一麗區十人

以上七十六歲

王葉氏 韓涇人

張沈氏 四昆區二人二十

陸皇甫氏 四昆區廿人

朱沈氏 一出區二人二十

鄒方氏 二昆區二人二十

陳郁氏 二昆區二人二十

馬王氏 十出區二人

徐徐氏 七結區一人

邊胡氏 七重區五人

崑新兩縣續補合志

卷十七

耆壽

三十八

以上七十五歲

陳金氏 三昆區二人二十

沈楊氏 九昆區二人二十

王柴氏 一出區二人二十

朱顧氏 十出區二人

陳王氏 七玉區十人

黃盧氏 三奈區十人

顧彭氏 七結區一人

薛彭氏 七結區一人

朱金氏 七芥區七人

馬錢氏 七重區五人

傅張氏 七重區五人

以上七十四歲

姜周氏 井亭人

蔣諸氏 井亭人

虞范氏 井亭人

陸吳氏 四昆區二人二十

陳李氏 四昆區二人二十

顧周氏 四昆區二人二十

顧陳氏 三昆區二人二十

周薛氏 一出區三人三十

沈陳氏 九昆區二人二十

吳王氏 十昆區三人

張姚氏 十昆區三人

徐陸氏 一昆區二人二十

甘王氏 七芥區四人

以上七十三歲

季陳氏 珍區八 胡張氏 珍區十 范張氏 昆區二十

楊朱氏 一出區三十 陳顧氏 一出區三十 范李氏 昆區二十

沈張氏 九昆區二十 蔡宋氏 九昆區二十 周王氏 十昆區三十

曹顧氏 二昆區二十 周高氏 崑結區五 蔡姚氏 崑芥區四

胡姚氏 崑夜區十

以上七十二歲

顧胡氏 崑珠區七 王陳氏 四昆區二十 顧陳氏 三昆區二十

姚何氏 一出區二十 金王氏 二昆區二十 吳蔡氏 八出區二十

朱姚氏 七玉區十 胡陳氏 崑芥區四 徐姚氏 崑芥區七

管范氏 崑重區五 張徐氏 八淡區二十

崑新兩縣續補合志

卷十七

耆壽

三十九

以上七十一歲

周江氏 鄭家港人 徐呂氏 元區七

以上七十歲

崑新兩縣續補合志卷十七